

ILUARSISSUT

Aalajangiiffigisassatut siunnersuut 15. januar aamma 16. marts 2015-imeersoq taarserpaa.

(Siunnersuummi qulequtaa taarserneqarpoq)

Naalakkersuisut matumuuna aalajangiiffigisassatut siunnersuut Inatsisartut suleriaasianni § 33, immik. 6, nr. 4 naapertorlugu saqqummiuppaat:

Angajoqqaatut akisussaassuseqarneq pillugu inatsisip Kalaallit Nunaannut atuutilersinneqarnera pillugu Peqqussummut, Angajoqqaatut oqartussaassuseqarnermut aalajangiinerit il.il. nunani tamalaani atortussanngortinnissaat pillugit inatsisip Kalaallit Nunaanni atuutilersinnissaat pillugu Peqqussummut, Kalaallit Nunaannut oqartussaassutsimut inatsisip allanngortinnissaa pillugu inatsimmut, Aappariilersarnerup inatsisitigut sunniutai pillugit inatsisip Kalaallit Nunaanni atuutilersinneqarnera pillugu inatsimmut, Kalaallit Nunaannut eqqartuussisarneq pillugu inatsimmut aamma Kalaallit Nunaannut pinerluttulerinermut inatsimmut, Eqqartuussisarneq pillugu inatsisip allanngortinnissaa pillugu inatsisip Kalaallit Nunaanni atuutilersinnissaa pillugu Peqqussummut, Aappariilersarneq aappariigunnaartarnerlu pillugit inatsisip allanngortinnissaa pillugu inatsimmut kiisalu inatsisinut assigiinngitsunut Kalaallit Nunaanni Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut.

(Pinngortitamut, Avatangiisinut Inatsisinillu Atuutsitsinermut Naalakkersuisoq)

Tunngavilersuut

Aalajangiiffigisassatut siunnersuutip Kalaallit Nunaanni ilaqutaqarnermut inatsisip nutarterneqarneranut attuumassuteqarpoq. Aalajangiiffigisassatut siunnersuut akuerineqarpat ilaqutariinnermut inatsiseqarnermi allannguutit arlaqartut atuutilersinneqassapput, ilaatigut makkuninnga imaqartut

- Nunat tamalaat akornanni angajoqqaatut oqartussaaffimmik aalajangiiffigininnerup il.il. naammassineqarnissaanut inatsit (nunat tamalaat akornanni meeqqanik aallarussisarneq),
- Angajoqqaatut akisussaaffik pillugu inatsit Forældreansvarslovgivningen (angajoqqaatut akisussaaffik pillugu inatsit aamma meeqqanik aallarussisarneq pillugu inatsit il.il.) aamma
- Suiaaqtigiit akornanni aappariilersarnermik inatsit.

Angajoqqaatut akisussaaffik pillugu inatsisip atuutilersinneqarnissaata nassatarissavaa Kalallit Nunaanni inatsisit allat allanngortiterneqarnissaat. Ingammik Kalaallit Nunanni inersimasunngornermik inatsimmi aamma Kalaallit Nunaanni eqqartuussiveqarneq pillugu inatsimmi.

Siunnersuutip imaa

Angajoqqaatut akisussaaffik pillugu inatsisip atuutilersinneqarnissaanut missingersuut inatsisunik makkuninnga allannguiffiusaaq:

Meeqqat pilersorneqarnerat pillugu inatsisip, aappariinnerup inatsisitigut sunniutai pillugit inatsisip, aappariilersarneq aappariigunnaartarnerlu pillugit inatsisip aamma angajoqqaat akisussaanerat pillugu inatsisip allanngortinnera pillugu inatsit nr. 349, 6. maj 2009-meersoq (Aningaasatigut paasissutissanut qarasaasiakkut pissarsisinnaaneq, naammagittaalliuuteqarnissamut piffissaq killiliusaaq il.il.).

Qitornavissartaartarnermut inatsisip aamma inatsisit allat assigiinngitsut allanngortinneqarneri pillugit inatsit nr. 494, 12. juni 2009-meersoq (Akuersinertaqanngitsumik qitornavissartaarneq, nalunaarsukkamik inooqatigiit meeraannik inunngorneraniit qitornassamik qitornavissartaarneq il.il.).

Angajoqqaat akisussaanerannik inatsisip, eqqartuussiveqarneq pillugu inatsisip aamma Qitiusumik Inuit Nalunaarsuffiat pillugu inatsisip allanngortinnera pillugu inatsit nr. 600, 18. juni 2012-meersoq (Angajoqqaat akisussaanerannik inatsimmik nalilersuinerup malitsigisaanik allannguinerit).

Inatsisit taakku Kalaallit Nunaannut atuutilersinneqarput Kalaallit Nunaanni pissutsinut naapertuuttunik allannguuteqartillugit.

Angajoqqaatut akisussaaffik pillugu inatsisip atuutilersinneqarnerata ilaatigut nassatarissavaa meeraq marlunnik angajoqqaaqarnissamut pisinnaatitaaffealissasoq, tamannalu qitiusumik tunngaviussaaq angajoqqaatut akisussaaffimmuut tunngassutilinni aalajangiisarnermi aammattaq meeraq tamatigut suliani akuutinneqartassaaq.

Angajoqqaatut ataatsimoorussamik oqartussaassuseqarnerup aallaaviunera immikkorluinnaq pisoqartillugu aatsaat atorunnaarsinneqarsinnaavoq, tamanna aatsaat meeqqamut pitsaanerpaassappat. Naveersisinnaatitaaneq atorunnaarsinneqassaaq. Angajoqqaap aappaa angajoqqaatut oqartussaaffeqartitaanngitsoq pissutsinik meeqqamut tunngasunik ilisimatinneqarnissaminut pisinnaatitaaffealissaaq. Angajoqqaat marluullutik akisussaaffigissavaat angajoqqaap meeqqap angerlarsimaffiginngisaata meeqqamit najorneqartarsinnaanerata aalajangiifiginissaa aamma pissutsini immikkut ittuni aalajangiisoqartarsinnaavoq meeqqap angajoqqaarinngisamini najorteqartarsinnaaneranut, assersuutigalugu aanaakkumini/aataakkumini.

Inatsisip atuutilersinneqarnissaanut missingersuusaaq aamma eqikkagaq ilanngunneqartoq innersuussutigineqarput.

Nunat tamalaat akornanni angajoqqaatut oqartussaaffimmik aalajangiiffigininnerup il.il. naammassineqarnissaanut inatsisissap atuutilersinneqarnissaanut missingersuut tassaavoq angajoqqaatut oqartussaassuseqarneq pillugu aalajangiisarnerit akuerinissaat aamma meeqqap sumi najugaqarnissaa kikkunnillu najorteqarnissaa pillugit nunani tamalaani naammassinnittarnerit

naalagaaffinni Europarádimi isumaqatigiissut 1980-imeersoq naapertorlugu Kalaallit Nunaata suleqatigisaannut ilaasoq.

Missingersuutaaq atuutissaaq inatsisinik unioqqutitsinikkut meeqqap Kalaallit Nunaaliaanneqarsimasup tassaniluunniit inatsisinik unioqqutitsinikkut tiggummigallagaasup utertinneqarnissaanik meeraq Haagimi isumaqatigiissut 1980-imeersoq malillugu naalagaaffimmi Kalaallit Nunaata isumaqatigiissuteqarfígisaani najugaqarsimappat. Missingersuutip imaraattaaq eqqartuussiviit pineqartumik suliarinnittarnissaannut malittarisassaar.

Tamakku saniatigut missingersuutip imarai meeqqat Kalaallit Nunaanniit nunanut allanut aallarunneqarsimasut. Missingersuut meeqqanut 16 inorlugit ukiulinnut atuuppoq.

Peqqussutip atuutilersinneqarnissaanut missingersuusaaq aamma eqikkakkat ilanngunneqartut innersuussutigineqarput.

Kalaallit Nunaanni inersimasunngornermik Inatsisip allanngortinneqarnissaanut siunnersuut, aappariilerneq aappariikkunnaartarnerlu pillugit Kalaallit Nunaanni inatsit, Kalaallit Nunaanni eqqartuussisarnermik inatsit inatsisillu allat allanngortinnissaat pissuteqarput inatsisinut atuuttunut allanut nalimmassaaniartoqarmat, suiaaqatigiissut katittarnissaat eqqunneqartussanngormat aamma angajoqqaatut akisussaaffik pillugu inatsit eqqunneqartussanngormat.

Suiaaqatigiissut katissinnaalernissaata eqqunneqarnissaanut suliarineqarlutik piareersarneqarput ulloq 1. oktober 2015 atuutsilertussanngorlugu. Allanguutit angajoqqaatut akisussaaffik pillugu inatsisip atuutsilersinneqarnissaanut malitsigitillugu atuutsilersinneqassaaq ulloq 1. januar 2016.

Inatsisip atuutilersinneqarnissaanut missingersuusaaq taassumalu oqaasertai aamma eqikkagaq ilanngunneqartoq innersuussutigineqarput.

Inatsisip allanngortinneqartut uku Kalaallit Nunaannut maannakkut atuutilersinneqanngillat, pingaartumik maannakkut Kalaallit Nunaannut atuutilersinneqanngitsunik inatsisinik imaqarmata, imaluunniit Kalaallit Nunaannut attuumassuteqanngitsunik inatsisinik imaqarmata:

Isumaginninnermi kiffartuussineq pillugu inatsisip, inatsisikkut isumannaatsuuneq pillugu inatsisip aamma isumaginninnermut tunngasuni aqutsineq kiisalu angajoqqaat akisussaanerannut inatsisip allanngortinneqarneri pillugit inatsit nr. 628, 11. juni 2010-meersoq (Meeraq pillugu iluarsartuussineq).

Meeqqanut inatsisip, qitornavissiartaarneq pillugu inatsisip, eqqartuussisarnermik inatsisip aamma inatsisinik allanngortinneqanngitsunik allanngunneq pillugu inatsit nr. 652, 12. juni 2013-meersoq (Anaanaassuseqataaneq il.il.). Europarádimi isumaqatigiissutip imaraa angajoqqaatut oqartussaaffeqarnermik nunani allani aalajangerneqarnerisa akuerineqarnissaat naammassineqarnissaallu, Haagerimi isumaqatigiissutip imaralugu meeqqat aallarunneqarsimasut utertinneqarnissaat.

Aningaasaqarnikkut kingunissai

Soqanngilaq.

Tusarniaaneq

Naalagaaffiup oqartussaasuisa peqqussutissamut siunnersuut tusarniaassutigereerpaat.

Ilanngussat

1. Angajoqqaat akisussaaffeqarnerat pillugu inatsisip aamma suaaraqatigiit akornanni aappariilertarneq pillugu inatsisip Kalaallit Nunaannut atuuttussanngortinneqarnerata kingunerisaanik allannguutit pillugit imaqarniliaq.
2. Angajoqqaat akisussaaffeqarnerat pillugu inatsisip aamma suaaraqatigiit akornanni aappariilertarneq pillugu inatsisip Kalaallit Nunaannut atuuttussanngortinneqarnerata kingunerisaanik allannguutinut missingiuut.
3. Angajoqqaat akisussaaffeqarnerat pillugu inatsisip Kalaallit Nunaannut atuuttussanngortinneqarneranut peqqussut pillugu imaqarniliaq.
4. Angajoqqaat akisussaaffeqarnerat pillugu inatsisip Kalaallit Nunaannut atuuttussanngortinneqarneranut peqqussummut missingiuut.
5. Angajoqqaatut oqarsinnaatitaaneq pillugu aalajangiinerit il.il. nunani tamalaani atuuttussanngortinneqartarnerat pillugu inatsisip Kalaallit Nunaannut atuuttussanngortinneqarneranut peqqussut pillugu imaqarniliaq.
6. Angajoqqaatut oqarsinnaatitaaneq pillugu aalajangiinerit il.il. nunani tamalaani atuuttussanngortinneqartarnerat pillugu inatsisip Kalaallit Nunaannut atuuttussanngortinneqarneranut peqqussummut missingiuut.
7. Suaaraqatigiit akornanni aappariilertarnermut peqqussut pillugu imaqarniliaq.
8. Suaaraqatigiit akornanni aappariilertarnermut peqqussummut missingiuut.
9. Tusarniaanermi akissuteqaatinut allakkiaq